

**FRAMSELD REGLUGERÐ FRAMKVÆMDASTJÓRNARINNAR (ESB) 2015/1798 2020/EES/50/39****frá 2. júlí 2015**

**um leiðréttingu á framseldri reglugerð (ESB) nr. 625/2014 um viðbætur við reglugerð Evrópuþingsins og ráðsins (ESB) nr. 575/2013 með tæknilegum eftirlitsstöðlum sem tilgreina kröfur fyrir fjárfestastofnanir, umsýslustofnanir, upphaflega lánveitendur og útgáfustofnanir að því er varðar áhættuskuldbindingar vegna yfirfærðrar útlánaáhættu (\*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) nr. 575/2013 frá 26. júní 2013 um varfæriskröfur að því er varðar lánastofnanir og verðbréfafyrirtæki og um breytingu á reglugerð (ESB) nr. 648/2012 <sup>(1)</sup>, einkum 2. mgr. 410. gr.,

og að teknu tilliti til eftirfarandi:

- 1) Villa hefur læðst inn í búlgörsku, eistnesku, ensku, frönsku, lettnesku, litáísku, ungversku og maltnesku útgáfu titils framseldrar reglugerðar framkvæmdastjórnarinnar (ESB) nr. 625/2014 <sup>(2)</sup>.
- 2) Villa hefur læðst inn í grísku, ensku, frönsku, ítölsku, lettnesku, ungversku og maltnesku útgáfu c-liðar 1. mgr. framseldrar reglugerðar framkvæmdastjórnarinnar (ESB) nr. 625/2014.
- 3) Í hinni eistnesku, grísku, ensku, frönsku, króatísku, ítölsku, ungversku, pólsku, rúmensku, finnsku og sænsku útgáfu framseldrar reglugerðar framkvæmdastjórnarinnar (ESB) nr. 625/2014 er setningaskipan röng í 1. mgr. 15. gr.
- 4) Villa hefur læðst inn í ensku, frönsku, lettnesku og maltnesku útgáfu 3. mgr. 16. gr. framseldrar reglugerðar framkvæmdastjórnarinnar (ESB) nr. 625/2014.
- 5) Í hinni búlgörsku, spænsku, tékknesku, þýsku, eistnesku, grísku, ensku, frönsku, króatísku, ítölsku, lettnesku, litáísku, ungversku, maltnesku, hollensku, pólsku, portúgölsku, rúmensku, slóvakísku, slóvensku, finnsku og sænsku útgáfu framseldrar reglugerðar framkvæmdastjórnarinnar (ESB) nr. 625/2014 er setningaskipan röng í b-lið 1. mgr. 22. gr.
- 6) Á öllum tungumálum er c-liður ranglega tilgreindur í 2. mgr. 23. gr. framseldrar reglugerðar framkvæmdastjórnarinnar (ESB) nr. 625/2014 en hann ætti að vera sérstök málsgrein þeirrar greinar. Leiðréttu ætti textann svo ljóst sé að ekki þurfi við allar aðstæður að veita mikilvæg og viðeigandi gögn varðandi hvert og eitt lán og að við vissar aðstæður geti talist nægilegt að veita mikilvæg og viðeigandi gögn um heildarupphæðina.
- 7) Því ætti að leiðrétta framselda reglugerð (ESB) nr. 625/2014 til samræmis við það.
- 8) Reglugerð þessi byggist á upphaflegum drögum að tæknilegum eftirlitsstöðlum sem Evrópska eftirlitsstofnunin (Evrópska bankaeftirlitsstofnunin) hefur lagt fyrir framkvæmdastjórnina.
- 9) Evrópska eftirlitsstofnunin (Evrópska bankaeftirlitsstofnunin) hefur haft opið samráð við almenning um upphaflegu drögin að tæknilegum eftirlitsstöðlum sem þessi reglugerð byggist á, greint mögulegan tengdan kostnað og ávinning og óskað eftir álitni hagsmunahópsins um bankastarfsemi sem komið var á fót í samræmi við 37. gr. reglugerðar Evrópuþingsins og ráðsins (ESB) nr. 1093/2010 <sup>(3)</sup>.

(\*) Þessi ESB-gerð birtist í Stjttíð. ESB L 263, 8.10.2015, bls. 12. Hennar var getið í ákvörðun sameiginlegu EES-nefndarinnar nr. 81/2019 frá 29. mars 2019 um breytingu á IX. viðauka (Fjármálaláðgjöf) við EES-samninginn, sjá EES-viðbæti við *Stjórnartíðindi Evrópusambandsins* nr. 44, 2.7.2020, bls. 65.

(1) Stjttíð. ESB L 176, 27.6.2013, bls. 1.

(2) Framseld reglugerð framkvæmdastjórnarinnar (ESB) nr. 625/2014 frá 13. mars 2014 um viðbætur við reglugerð Evrópuþingsins og ráðsins (ESB) nr. 575/2013 með tæknilegum eftirlitsstöðlum sem tilgreina kröfur fyrir fjárfestastofnanir, umsýslustofnanir, upphaflega lánveitendur og útgáfustofnanir að því er varðar áhættuskuldbindingar vegna yfirfærðrar útlánaáhættu (Stjttíð.ESB L 174, 13.6.2014, bls. 16).

(3) Reglugerð Evrópuþingsins og ráðsins (ESB) nr. 1093/2010 frá 24. nóvember 2010 um að koma á fót evrópskri eftirlitsstofnun (Evrópska bankaeftirlitsstofnunin), um breytingu á ákvörðun nr. 716/2009/EB og niðurfellingu ákvörðunar framkvæmdastjórnarinnar 2009/78/EB (Stjttíð. ESB L 331, 15.12.2010, bls. 12).

## SAMÞYKKT REGLUGERÐ ÞESSA:

*1. gr.*

Framseld reglugerð (ESB) nr. 625/2014 er leiðrétt sem hér segir:

- 1) Í fyrirsögninni skal orðið „lánveitanda“ koma í stað orðsins „lánveitendur“.
- 2) Í c-lið 1. gr. komi orðin „loforða um lánveitingar“ í stað orðanna „loforðs um lánveitingar“.
- 3) Eftirfarandi komi í stað 1. mgr. 15. gr.:

„1. Ef engar upplýsingar liggja fyrir um tiltekna áhættuskuldbindingar sem á að verðbréfa, þ.m.t. ef áhættuskuldbindingar safnast upp áður en þær eru verðbréfaðar eða ef þeim kann að vera skipt út í hlaupandi verðbréfun, telst stofnun uppfylla skuldbindingar sína um áreiðanleikakönnun sem um getur í 406. gr. reglugerðar (ESB) nr. 575/2013, að því er varðar sérhverja verðbréfaða stöðu hennar, á grundvelli viðeigandi hæfisviðmiðana fyrir slíkar áhættuskuldbindingar.“;

- 4) Í 3. mgr. 16. gr. komi orðin „loforð um lánveitingar“ í stað orðanna „loforð um lánveitingar“,
- 5) Í stað b-liðar 1. mgr. 22. gr. komi eftirfarandi:

„b) hvaða fyrirkomulag sem kveðið er á um í a-, b-, c-, d-, eða e-lið annars undirliðar 1. mgr. 405. gr. reglugerðar (ESB) nr. 575/2013 hafi verið notað til að halda eftir hreinni, fjárhagslegri hlutdeild,“

- 6) Ákvæði 2. mgr. 23. gr. eru leiðrétt sem hér segir:

a) í stað b-liðar komi eftirfarandi:

„b) í kjölfar brots á skuldbindingunum sem gögnin innihalda varðandi verðbréfunina.“;

b) í stað c-liðar komi eftirfarandi ný 2. mgr. a:

„2a. Mikilvæg og viðeigandi gögn um einstakar undirliggjandi áhættuskuldbindingar skulu almennt veittar á grundvelli hvers láns fyrir sig, en í vissum tilvikum kann að nægja að veita gögn um heildarupphæðina. Við mat á því hvort gögn sem veitt eru um heildarupphæð eru nægjanleg, skal taka tillit til þátta sem taka með stærðargráðu dreifingarinnar í hinu undirliggjandi eignasafni og þess hvort stýring áhættuskuldbindinga í því eignasafni byggist á safninu sjálfu eða á hverju láni fyrir sig.“

*2. gr.*

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 2. júlí 2015.

*Fyrir hönd framkvæmdastjórnarinnar,*

Jean-Claude JUNCKER

*forseti.*